

蜀

碧玉

彭遵泗 編述

中華書局

叢書集成初編

蜀難敘略（及其他一種）

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

蜀

碧

叢書集成初編所選借月
山房彙鈔澤古齋重鈔及
指海皆收有此書指海本
較善故據以排印

四庫全書提要

蜀碧四卷。國朝彭遵泗撰。遵泗字馨泉。丹稜人。乾隆丁巳進士。官翰林院編修。是書紀蜀亂始末。及一時死節士女。其曰蜀碧者。取萇宏之血三年化碧意也。起明崇禎元年戊辰。至我朝康熙二年癸卯。未有附記。及楊展、劉道貞、鐵腳板、余飛等傳。其書大旨以沈雲祚稱獻逆殘蜀。由風俗之惡。故爲此書。備書死難者姓名。以雪斯恥。而體例冗雜。如載桐城二老事。與蜀事無關。又如賊夢梓潼神。以宗弟紅東來謁諸事。亦太涉神怪也。

敘

蜀碧者。哭蜀也。哭蜀者。所以著楊嗣昌之罪。而憫邵捷春之愚。以弔忠魂烈魄於地下也。蜀之險甲天下。絕其要塞。雖百萬可立挫焉。賊一入寇。秦良玉扼之。向非賂陳奇瑜脫去。則賊之亡久矣。嗣昌委賊於蜀。夫人知之。而捷春不知也。撤變萬之藩籬。守重慶之門戶。使賊得以出入縱橫而無所忌。此其罪在誰哉。故曰哭蜀者。所以著楊嗣昌之罪。而憫邵捷春之愚也。獻賊之三入蜀也。分道屠戮。流血成川。蜀之受禍極矣。當是時。自縉紳以至氓庶。盡節者不可勝數。而閨中婦女。或閉戶自焚。或罵賊以死者。無算也。戎馬倥傯。其事不必盡傳。傳者又莫由表述。筆之於書。使後之君子得以考之。則死者可以無憾。故曰哭蜀者。所以弔忠魂烈魄於地下也。曩者余嘗論其大略。特未暇詳。今余弟馨泉。採擇成編。頗爲詳悉。是固余之志也。嗚呼。蜀非有深怨積怒於賊也。而殘忍若此。天實爲之耶。抑人事使然耶。覽是集者。必將有歎息泣下而不能已者已。故曰蜀碧者。哭蜀也。樂齋彭端淑序。

自敘

史氏丹溪生億甲申遺事而歎曰。嗟乎。自古殘忍之賊。亡甚獻忠。遭禍之烈。亦未如明季之蜀者也。蜀自獻藩啓封。世有令嗣。休養生息。幾三百年。士民之庶。物力之饒。甲乎天下。其間雖經鄧藍播蘭之亂。元氣猶存。故張逆一入。旋即敗歸。未大創也。崇禎十年。闖賊直犯成都。西北半壁。攻無堅城。十三年而獻又繼之。蜀始艱疏焉。原其故。文燦受給於房穀。其走挺矣。嗣昌督師於荆襄。其毒流矣。捷春拒諫於石砫。其隘通矣。士奇遏糧於守軍。其遮撤矣。嗣是陷夔門。破梁萬。走榮貴。敗曾英。血染佛圖。炮穴重慶。瑞王君臣。駢首就戮。當是時。使蜀藩之志。果於拒賊。監軍之餉。得請即行。其能保有成都乎。不能也。腹心既潰。而求全於首領。難矣。獨怪獻逆據蜀後。僭號稱帝。不思收拾人心。而處心積慮。成乎其殺。匏奴死。雪猷死。賈獻死。刳腹死。邊地死。士盡矣。及匠傭男盡矣。及婦女民盡矣。及僧道人盡矣。及犬牛物盡矣。及兵卒又焚其殿。碎其砌。毀其屋。壅其井。平其城。二年之內。積骸如山。流血成川。而賊之逞毒。一日封刃。其心不樂也。由前言之。四方是維。天子是毗。誰司兵柄。萬死莫贖。由後言之。天方薦瘡。喪亂弘多。浩刼之來。自有宿也。故西充授首而後。多門之死。不可勝悼矣。夫考古之籍。推蜀之由。張儀之啓疆。公孫之躍馬。譙縱之迫脅。李特之流亂。劉闢之狂戇。王建之發跡。知祥之踵據。玉珍之草竊。爭城奪地。創霸圖王。而皆撫有蜀民。不敢荼毒。何獻之肆惡。一至此耶。猛虎嗜人。不識好惡。獸心野性。固與人殊也。論者謂獻逆僭號。蜀人不與誅斬。

所置郡守牧令。蓄怨積怒。激而成兇。嗚呼。此正蜀人之所以死乎。余幼時固聞獻逆遺事。厥後博採羣書。凡當時忠臣烈士節女義夫。可印證者。彙爲蜀碧一編。以俟之後。是日也。慘然操觚。悲風四起。余壹不知心之所極。汨簌簌然而屢下也。壬戌八月朔五。丹溪生馨泉泗自敍。

種種破敗。種種屠戮。數十年喪亂情事。括於一敍之中。故足爲此書之弁。而文筆則挾憤憤而含嗚咽矣。蔡修萊跋。

後敘

余覽東林沈雲祚傳後。稱獻逆殘蜀。由風俗之惡。天降大罰。嗟乎。何言之悖也。自古亂蜀者。非蜀人。昔賢論之詳矣。初賊起秦中。延及晉及豫及楚。及大江之南北。十年之間。朱殷萬里。婦稚幾盡。彼豈其風俗之醇。而天道無知。使爲善者獲禍。與。明自熹宗不君。逆璫煽虐。天心厭之。懷宗不務行寬大。收人心。而先後用溫體仁。周延儒。楊嗣昌等。爲之內外。致賊勢坐大。土崩瓦解。以底於亡。嗚呼。上實召戎。民則何罪。而謂蜀俗惡。受罰何與。當蜀之陷也。士大夫湛胸粉首。寢戈復仇者。纍纍矣。而內之婦人女子。聯袂自沈。外之士司編氓。倡義討賊。將毋風俗之惡。而猶有時與。余故探其遺事。表而出之。使世之覽者。知降此鞠誦。非關人事。毋令吾蜀獨蒙惡聲也。

目錄

一卷

起戊辰崇禎元年止癸未

二卷

起甲申世祖章皇帝順治元年止本年十二月

三卷

起順治二年乙酉止順治四年丁亥

四卷

起順治五年戊子止聖祖仁皇帝康熙二年癸卯

附記十五條

楊展傳

劉道貞傳

鐵腳板傳

余飛傳

蜀碧 目錄

書周鼎昌殺賊事
後敘

二

蜀碧卷一

清 丹溪生彭遵泗馨泉編述

起戊辰。
止癸未。

戊辰崇禎元年冬十有二月。陝西賊大起。○陝西連歲大祲。平涼延安間。飢民相聚爲盜。首亂者王子順、苗美、張聖姬、三兒、王嘉胤、黃虎、小紅狼、一丈青、龍得水、混江龍、掠地虎、上天猴、闖王、孟良、劉六等。名目甚衆。督撫討之。久無成功。其後併小爲大。李自成、張獻忠、虎視鴟張。秦楚豫蜀之間。戰無堅陣。攻無堅城。肝腦塗中原而明社屋矣。

丹稜學博何修云。天啓間。蜀大旱。遵義守令集黃冠禱雨。拜章者伏地彌日。及起。守詢之。云上帝召人。天下都城隍議事。章出甚遲。問議何事。云戰場始於陝西。至崇禎初年。秦中賊果起。○修明季遵義

四川地大震。○是後不書四川所紀皆蜀事也。

己巳庚午辛未壬申

癸酉○秦蜀二境擊柝相聞。賊既亂秦。蜀豈無知。而瞿塘劍閣間。不聞修邊備。實軍儲。袖手以待賊入。何與。備敍歲次。痛當事無陰雨之憂也。

戊戌甲鉞州母豬洞銅鼓鳴。聲聞一晝夜。

○二月。流賊張獻忠。始自楚犯蜀。○獻忠。陝西膚施人。本將家子。少時從軍犯法。得總兵陳洪範救免。刻桷檀爲洪範像事之。其爲賊也。與羅汝才同起。獻忠身長而瘦。面微黃。鬚一尺六寸。儻勁果俠。軍中稱爲黃虎。又號八大王。二月。自鄖陽渡漢。犯襄陽。連陷紫陽。平利。白河等邑。遂入四川。

○賊陷夔州府。及大寧。大昌。開縣。新寧。諸邑。○賊至大昌。人皆走避。有羅傑者。獨坐室中。正衣冠。閱書史。賊入罵之。遇害。

○賊犯梁山。邑人申書涂原擊走之。○原以中書家居。賊至。集鄉勇與戰。箐銃間。伐大松。疊山徑。而用竹畚囊石飛擊之。又以毒矢射賊。中者見血立斃。賊敗退。入巴州。爲川兵所破。去攻太平。石砬。女土司秦良玉。將兵至夔。蜀撫劉漢臣。運長壽之米。順流濟師。賊知有備。不敢攻。太平圍解。漢臣及按臣黨崇雅。請用涂原。以蜀人治蜀兵。不許。

○賊攻保寧不下。走犯廣元。城上發礮石擊之。遁。○賊攻保寧。推官張一鶚。按臣劉宗祥。川北道夏時亨。共謀守禦。不能下。走攻廣元。圍七晝夜。城上人發礮石擊之。賊遂遁。

方賊犯犍陵松滋。入歸巴萬山中。荊州推官劉振纓。提施兵從戰香溪壩。平陽壩。斬獲殊衆。而楊正芳

子丙亥乙

有金沙鋪之捷。李卑有蓮花白溝二坪之捷。鄧玘有胡地冲之捷。許成名有仙女山之捷。當時川撫若董石砧兵力扼巫夔。不令得入。諸鎮戮力。可望成功。迺施兵以援荆東下。舍之勿追。夔關天險。無一人敢誰何。此賊入蜀之始也。

○先是賊既退秦楚間。藩封數陷。蜀王泄泄然不知遠慮。成都令吳繼善痛哭于王之朝。以書諫曰。高皇

帝衆建藩輔。基置繡錯。數年以來。踣命亡氏。失其國家。此數王者。非真有敗德失道。見絕於天也。直以

擁富貴之貨。狃便安之計。爲賊所利。而不思自全。此非殿下前車之鑒乎。今楚氛日惡。秦關失守。曹闔

姚黃時姚黃賊初起陸梁左右。殿下付之悠悠而不恤。夫全蜀之險。在邊不在腹。若設重戍於夔門劍閣。誠足

自固。否則黃牛白帝。亦屬彝庚。黑水陽平。更多歧徑。迺欲坐守門庭。謂爲設險。不可解者一也。往者蘭

會撲滅。獻賊逃遁。止以蘭兵力有虧。獻地利不習。今者荆襄撤其藩籬。秦隴寒其唇齒。揣量賊情。益無

瞻忌。而欲援引前事。冀倖將來。不可解者二也。至於錦城之固。不及秦關。白水之險。寧踰湘漢。此可恃

以無虞。彼何爲而失守。且城如孤注。救援先窮。時及嚴冬。長驅尤易。累卵不足喻其危。厝火不足明其

急。而猶事泄泄。以幸苟免。不可解者三也。爲殿下計。宜召境內各官。諮諏謀議。發帑金以贍戍卒。散朽

粟以慰飢民。出明禁以絕廝養蒼頭。蠲積逋以免流離溝瘠。募民兵以守隘。結彝目以資援。政教內修。

聲勢旁振。則可易危爲安。轉禍爲福。苟或不然。蜀事誠莫知所終矣。竊爲殿下危之。王不能用。吳江南人達有謀略。後殉難于蜀。

丑丁閏四月。雅州地震。馬湖四土司。地震者二。敘州、建武、瀘州、越雋。皆同日震。

○五月。闖賊李自成自秦州犯蜀。連陷南江、通江等邑。尋退去。自成出身。事見正史。此處從略。

○劍州大水。○先一日。沿灘巨石數百。皆反覆無定。及水至。民登州堂以避者。免。餘俱漂沒。黃腸凶具。架屋標者纍纍。

○九月。龍安地震。榮縣黃時太家地鳴。聲聞半里。○工科給事中吳宇英言於朝曰。臣鄉以詔書徵發。救關中者無已。壯丁死於瘡痍。老弱困於騷動。以此城邑空虛。關梁不戒。賊蹈瑕抵隙。連陷南江、通江二邑。鎮臣侯良柱。猶以賊遁爲功。易視賊占。曰。地震主兵。又曰。地鳴者伏屍流血。災不徒設。臣竊憂之。英字人。瀘川。

○十月丙寅。李自成由漢中趨攻廣元。總兵侯良柱戰死。○李自成混天星。過天星等。以十月初三日破漢中之寧羌州。分其軍爲三。一由黃壩攻七盤關。一由梨樹口麥坪入廣元。一由陽平關過青岡坪土門塔向白水。侯良柱壁廣元。賊至。力戰死於陣。賊結七十營於烏龍山下。良柱陣亡。有屍無首。後割生前官職。

○賊陷昭化。知縣王時化死之。○初五日。賊分兵守二郎關。初八日。從淺灘過河。破昭化。知縣王時化不屈死。

○賊破劍州。知州徐尙卿及州人楊于鼎等死之。○先是初九日。賊攻劍門。州吏士塞石牛道不得過。回屯江口。初十日。疾趨攻劍州。城將破。知州徐尙卿召士民語之曰。城不可守。吾惟有死耳。爾等避之。衆不忍去。尙卿書城空不可守。仗節爲誰危。苟竄那無計。殊羞孤影隨。數語匿於懷。于鼎與尙卿共守城。城陷。尙卿自縊死。于鼎率子姪諸生令青等督衆巷戰。奮臂擊賊。賊怒支解以死。子姪皆被殺。尙卿。兩建寧人。

○賊破梓潼。○十二日。梓潼破。庠生趙節妻魏氏被執。給賊曰。家有積金。窖之江邊。願取以行。賊喜。同至園子潭。氏奮身投水死。

○賊陷江油。執知縣馬宏源。○賊破梓潼。三分其軍。一往縣州。一往鹽亭。一往江油。江油陷。知縣馬宏源被執不死。尋提問。

○賊攻縣竹。諸生王鐸及其妻趙氏死之。○賊至縣州。彰明。安縣。羅江。德陽。漢州。聞風先潰。攻縣竹。執諸生王鐸及其妻趙氏。令之跪。鐸大罵不屈。殺之。復脅趙氏。氏亦大罵。賊又殺之。時貢生施奇才妻姜氏避亂西山。聞賊近。恐其辱也。拔一簪授婢曰。吾不能逃。汝速去。萬一得生。汝主自北歸來。持此語之。我不敢爲家門羞。囑畢投崖死。

○賊焚新都。越一日。焚彭縣。

○賊掠郫縣。主簿張應奇死之。攻溫江。丞簿縱繫囚逃。

○賊破金堂。典史潘夢科死之。○鹽亭一股賊。抄西充。折遂寧。趨潼川。直走金堂。攻破之。夢科不屈死。自

是重慶以下皆戒嚴矣。

○賊圍成都二十日。○蜀王之墳柏刊焉。

○冬十有二月。總督洪承疇。總兵曹變蛟。帥師援蜀。次於廣元。○初。巡撫王維章以賊去。而俟良柱撤陸兵也。相齟齬。上書言之朝廷。深以爲憂。維章守保寧。良柱守廣元。及廣元破。良柱戰沒。賊直逼成都。維章吾在其下。不及援。按臣陳廷謨。雖檄總兵羅尙文。集永遵松茂之兵來援。又自以使事訖。新按臣梁士濟已至。意可弛擔。有詔維章。良柱俱落職。戴罪自贖。廷謨降三級。蓋不知良柱之死也。時輔臣劉宇亮宗人殲于縣竹。告家難。上逮治維章。以傳宗龍代之。

戊寅春正月。洪承疇大敗闖賊于梓潼。賊還走陝西。○是役也。賊陷州縣三十六。蜀創甚。

○夏六月。秦寇再入蜀。○寇由陽平白水再入蜀。巡撫傅宗龍以滇兵二千。與蜀帥羅尙文謀戰守。卻之。保寧天鼓鳴。○時成都東嶽廟玉帝像自動不止。

己卯夏五月。以參政邵捷春撫蜀。○代傅宗龍也。

○秋八月。大學士楊嗣昌督師討賊。○先是十一年夏四月。張獻忠僞降於穀城。理臣熊文燦賂黃金。躡襲千珠璣盈斗。他貨累萬。受其降。及是年五月。獻忠復叛。攻殺知縣阮之錫。漢東大擾。上命閣部楊嗣昌督師討之。賜上方劍。宴於平臺後殿。上手觴嗣昌三爵。賜以詩云。鹽梅今暫作干城。上將威嚴細柳營。一掃寇氛從此靖。還期教養遂民生。書用黃色金龍蠟箋。後署云。賜督師輔臣嗣昌。